

四庫全書存目叢書編纂委員會編

齊魯書社

四庫全書存目叢書

史部
第一〇四冊

責任編輯：孫言誠 賀 偉

ISBN 7-5333-0535-3



2/399/09

四庫全書存目叢書·史部一〇四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.5 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第一〇四冊目次

史部・傳記類

焦太史編輯國朝獻徵錄一百二十卷(五)

〔明〕焦竑輯

中國史學叢書影印明萬曆四十四年徐象檣曼山館刻本

.....
一

焦太史編輯國朝獻徵錄一

百二十卷(五)

〔明〕焦竑輯

中國史學叢書影印明萬曆四十四年

徐象榘曼山館刻本

太史編輯國朝獻徵錄卷之七十目錄

太常寺

掌寺事尚書

劉岌

崔志端

田景賢

掌寺事侍郎

丁永中

卿

呂本

黃子澄

姚友直

夏景

獻徵錄

卷之七十一目錄

乙

吳節

孫贊

齊章

周詔

魏校

少卿

高遜志

廖昇

廬原質

陳贊

蹇英

林文

李璋

楊時暢

張衍瑞

潘府

郭維藩

李開先

周怡

傅霏

寺丞

張來儀

杜琰

袁琪

南京太常寺

卿

徐初

陳音

呂憲

方鵬

牛鳳

穆孔暉

少卿

獻徵錄

卷之七十目錄

二

鄭雅言

夏瑄

鄭環

劉稱

夏良勝

黃重

汪佃

王世懋

目錄終

焦太史編輯國朝獻徵錄卷之七十

太子少保禮部尚書掌太常寺劉爰傳 實錄

劉爰字凌雲四川涪州人景泰甲戌進士授吏部驗

封主事遷郎中以憂去服闋改戶部二年仍補文選

公清勤慎時論與之累官太常卿禮部尚書掌寺事

又典秩祀練習儀章且容觀魁梧音吐鴻暢甚為

憲朝所眷注進太子少保以疾乞致仕不許爰自陳

世為戎籍勅兵部除其籍弘治己酉爰復以老請乃

賜馳驛并寶鑰以還仍命有司歲給夫廩家居七十

七年而卒時弘治十八年八月計聞賜祭葬如例爰

獻徵錄

卷之七十

乙

平生謙謹亟稱人之善聞論人過失輒止之或面侮

之亦不校初艱于立子官京師妾有生子者其妻妬

而棄之道人為收鞠至八歲乃復還歸以為子聞者

以為爰厚德之報云

禮部尚書掌太常寺事崔志端傳

齊錄

崔志端順天宛平縣人由神樂觀道士克樂舞生成
化壬辰授太常寺贊禮郎辛丑補寺丞壬寅補少卿
弘治乙卯遷卿甲子進禮部尚書仍掌太常寺事具
疏乞休致至再始允焉居觀中癸酉陳情優養待給
夫米正德九年六月卒其孫序班承祖乞祭葬所司
執奏以其發身雜流例不得蓋輿上不聽竟與葬
一壇

獻徵錄

卷之七十

二

太子太保禮部尚書掌太常寺田景賢傳

太子太保禮部尚書田景賢字宗儒順天府涿州人
成化乙未進士授戶科給事中陞通政使司右叅議
弘治辛亥陞太常寺少卿通政使尋陞禮部右侍郎
掌太常寺事正德戊辰陞禮部尚書掌寺事屢賜玉
帶及金織麒麟衣庚午加太子少保引年乞休疏志
上乃加太子太保賜璽書乘傳以歸命有司給月廩
歲祿正德十四年六月卒賜祭葬如制景賢體貌魁
岸音壯洪暢為人淳實守官四十餘年廉謹如一日
晚年清潔寡欲人所罕及卒之日幾無以為飲士論
稱之

獻徵錄

卷之七十

三

禮部右侍郎掌光祿寺事文福傳

實錄

禮部右侍郎艾福字天錫湖廣襄陽人天順四年進士授監察御史成化初巡按山西考覈官庶黜不職者九十人旌其能者七人審錄重辟有童年十三分盜賊米一釜憐其幼特請釋之途用是起名三年復按浙江以父喪歸八年擢光祿寺少卿十三年陞卿凡典御膳及諸供應皆區畫有定十四年上疏請省異教供餼坐繁詔獄奪俸六月十九年擢禮部右侍郎仍掌寺事累上疏乞歸始命致仕家居八年以弘治五年七月卒年七十三計開賜祭葬如例福為人通達習於世故頗傷輒熟晚在光祿爲近幸所侮不能堪累乞退避竟遂其志以去人亦以是多之

獻徵錄

卷之七十

四

掌太常寺事禮部左侍郎丁永中傳

實錄

掌太常寺事禮部左侍郎丁永中大興縣人由神樂觀樂舞生選授太常寺贊禮郎歷陞協律郎寺丞少卿卿至禮部左侍郎仍掌寺事弘治三年言者劾令致仕至七年四月卒賜祭葬如例永中以黃冠願薦紳列五十餘年生既獲封贈其父祖如已官卒仍獲沾三品寵卹之典視士夫著勳烈者無以異亦異事也

獻徵錄

卷之七十

五

太常寺卿呂本傳

實錄

呂本鳳陽壽州人仕元為元帥府都事其後來歸歲丙午為中書掾史吳元年授湖廣行省照磨洪武三年陞中書省右司郎中四年改左司郎中五年陞刑部侍郎尋進吏部尚書六年除太常寺卿七年以事左遷北平按察司僉事尋召還授禮部尚書未幾出為兩浙都轉運鹽使十二年復授太常寺卿至是以疾卒賜葬鍾山之陰本無子其女為皇太子妃

卷之七十

六

太常卿黃公子澄傳

鄭曉

黃公子澄名湜以字行分宜人少受易歐陽貞書周與學春秋梁寅有文行負盛名洪武十七年貢入太學明年進士舉禮部第一授翰林編修陞修撰伴讀東宮累官至太常卿建文君為太孫時坐東角門謂公曰諸王尊屬擁重兵奈何對曰諸王備有護兵縛足自守萬一有變以六師臨之誰其能支漢七國非不强卒底亡滅小大强弱之勢不同而順逆之理異也太孫喜每呼公黃先生太孫即位倚任公謂曰先生無忘東角門之言公頃首應曰不敢遂出與齊太議削奪諸王兵權未幾周王得罪建文石書諭文皇文皇為出解公曰燕周母兄弟燕王出塞有功威名日盛不併去燕後難圖於是出兵開平諸鎮及更置北平守臣伺府中事日急靖難兵遂起及耿炳文諸將相繼敗北建文君召問公對曰燕負兵家常事今天下富勝兵强食足區區一隅豈能當天下全力聚兵五十萬四面並進旦夕且成擒公遂薦李景隆為大將代炳文景隆尤昏懦戰數敗棄其帥遁召還京又赦不誅公慟哭曰景隆出師親望懷二心不誅誅何以謝祖宗屬將士練子寧亦誅

出師於朝且哭且數請誅之皆不聽江淮諸將連敗
公捐膺慟哭曰大事去矣誤薦景隆萬死不足贖誤
國之罪賦詩云仗鉞曾登大將壇貂裘遠賜朔方寒
出師無律真兒戲負國全身獨汝安論將每時悲趙
括懷夷何日見齊桓尚方有劍憑誰借哭向蒼天幾
墮冠靖難兵至淮上建文君不得已逐公密使募
兵而以竄齊黃使告燕文皇曰此緩我也請悉召
吳傑平安盛庸師還即已建文君為遣少卿薛嵩
請罷兵文皇帝又不許兵抵江干蘇州知府姚善
言公文武才略足捍國難願屏諸閑遠以快敵人胡
獻徵錄卷之七十
失計至此始急召公未至金川門失守文皇執公
責問不服族其家一子走易姓名田經過赦家湖廣
咸寧正德辛巳進士黃表其後也

太常卿姚友直傳

實錄

姚友直名益以字行荆江蕭山人洪武甲戌進士授
中書舍人累陞司經局洗馬永樂中宣廟為皇孫
時奉命授書并授斬獻王凡所顧問必以正對王以
賓禮待之未幾陞左春坊左庶子及滕王建國雲南
陞雲南左叅政掌長史事滕王薨因事至京宣廟
嘉念舊勞擢太常寺卿正統三年正月卒遣官賜祭
命有司給舟車歸其喪管葬焉

獻徵錄

卷之七十

九

太常寺卿夏景傳

太常寺卿夏景字仲昭直隸崑山縣人初姓朱名禮舉進士爲翰林院庶吉士 太宗嘗召見之謂曰太陽麗天日宜加於永上和字宜作景字書有景字如此既而景又自奏復其本姓爲夏以善書供事內省嘗扈從兩京板中書舍人宣德中轉考功主事仍供內直正統十年用薦者陞卿致仕年八十三卒時戚化六年八月計開勝祭葬景既善書亦能詩精繪事尤工墨竹以此稱名于世爲人坦率樂易不拘小節時出入禮法間人亦不甚非之晚年家居頗效楊應叔故事

卷之七十

十

夫之爲人以詩酒自娛云

太常寺卿兼翰林院侍讀學士吳節傳

吳節字與僉江西安福縣人宣德庚戌進士選爲翰林院庶吉士授編修秩滿陞侍讀景泰初陞南京國子祭酒滿九載加從三品祿 上初即位修 英廟實錄以節嘗預修 宣廟實錄知典故召爲副總裁既至改太常少卿兼侍讀學士書成進本寺卿兼官如故未幾丁母憂賜祭葬服除請闕謝恩遂乞致仕時年已七十餘既得請家居十餘年卒時成化十七年七月年八十五計開遺官祭葬爲人平易質直信人不疑爲文如其爲人初治春秋學與同學劉球獻徵錄

卷之七十

十一

齊名又同入翰林學春秋者多師二人而節之徒尤衆後進宗之安福春秋遂擅名于 下其爲祭酒承陳敬宗之後敬宗師道嚴甚流爲寡恩節矯之以寬士類悅服久之流于縱弛聲望不逮敬宗云

太常寺卿兼翰林院侍讀學士孫賢傳一實錄

太常寺卿兼翰林院侍讀學士孫賢傳河南杞縣人景泰甲戌進士第一授翰林院修撰修纂字通志成陞侍講天順初改左春坊左中允侍東宮講讀上即位進太常寺卿兼翰林院侍讀修英宗實錄成進太常寺卿兼侍讀又進兼侍讀學士時成化庚寅歲也逾年請立皇子為皇太子以引疾乞致仕以示無希覬覦意章並上上皆允之皇子立是為悼恭太子賢回家憤憤不樂而難言成化十三年十一月卒年五十四計開贈禮部左侍郎兼翰林院

獻徵錄

卷之七十

十一

學士命有司祭葬如例賻起諸生不十年至通顯然無大過人者性剛急或勸之學飽充曰熟為程朱孰為韓柳義而忌才不能容物其車千乘動尤為人所哂云

通議大夫太常寺卿兼翰林院侍讀學士孫賢傳一實錄

公諱章應璧其字別號慎軒世居太平之濠州大父貴從文皇靖難後授翰林院侍讀學士試百戶父安累立載功歷陞指揮僉事公雖生千將門自少篤志力學與伯兄文同領天順壬午鄉薦登成化丙戌進士已丑文亦第甲科官至戶部副郎人以二難科之公初授戶科給事中甲午丁外郎服闋復官本科庚子進左給事中再進禮科都給事中壬寅丁外郎服闋復官少卿弘治庚戌太常卿缺員慎其選吏部以公薦上簡任之凡郊廟祀典駁奏儀文節奏實極詳明天子嘉其勞荐膺寶鑑之賜上語進階贈祀父如其官祖母呂母郭並淑人公太常第六載寅恭佳惻惻贊國家禮樂之功居多其在鴻臚傳玉音逮下情銷盛洪亮金玉相宣凡朝覲會同萬方從聽壯觀國威之功居多其在諫垣累抗章論列陳時政得失以激直忤旨下詔獄人以危之公曰君仁臣直吾忍自聖明哉竟從寬貸聞者越之謂得諫臣體其氣節凜凜扶持國是之功居多特奉使冊秦晉二宗肅禮成保遺一無所受其謹以持增重國體始

終蓋一致也惜乎天不永其年僅五十人而卒其
生正統戊午七月二十三日也禮部以訃聞 上哀
悼遣官諭祭營葬城

蘇徽錄 卷之七十

十四

太常寺卿贈禮部右侍郎長洲周公詔傳

顧璘

周詔者直隸長洲人也自少有氣節成化庚子登鄉
試授嘉祥縣教諭九載考績入京時 憲宗皇帝方
開府置屬途與選為伴讀遷紀善詔以國事章創宜
有典則以垂後世乃本祖訓及中庸九經之目為書
數千言以獻 睿皇嘉之尋以憂去賜手詔厚復任
加長史俸詔感知遇因事納忠言多切直 睿皇喜
書君子懷德及諸詩以賜之每見私為先生而不名
詔數請謝事不許乃以展墓乞歸其鄉及返國未至
蘇徽錄 卷之七十 十五

而 睿皇崩詔匍匐泣如喪考妣事 今上益竭
心力每進講經史 上為之悚聽駕入京師遷詹
事府少詹事兼翰林院侍讀將大月之居數月疾辭
轉太常寺卿途卒於官 上聞輒惜贈禮部右侍郎
賜祭葬于璚廕中書舍人孫儒膺大學生

太常寺卿魏公校傳

魏校字子才蘇州崑山人弘治乙丑進士正德
丙寅授南京刑部雲南司主事遷陝西司員外郎
東司郎中每訊重囚齋居默念務期得情凡獄之冤
滯人所不能決者即片言決之會審監刑衆皆采衣
即事事畢宴飲爲樂公則慘然澹服是日不飲酒食
肉時聞臣劉瑾擅權其黨劉鄆守脩南京僉勢作威
臺省官望塵奔謁公獨不往鄆復夷視法司或時判
狀至莫有抗者惟公直行已志京邑有經歷姚元者
從子利其富貴誣以奸狀賄鄆陰爲之地必欲算元
獻徵錄 卷之七十 十六
於死屬公訊之竟自其枉鄆亦莫敢誰何嚴則與余
公子積夏公敦夫王公純甫講明聖賢之學正德九
年召爲兵部職方司郎中方江彬振重兵居大內而
寧藩亦有兵謀遂移家家居正德十六年辛巳今
上初服起公首膺廣東提學副使之命力以師道爲
已任崇德行畧文詞賦淫祠興社學禁火化厚人倫
厥功爲多尋憂居復補江西兵備改河南督學轉大
理寺少卿國子監祭酒太常寺卿公性孝友每夙興
即省其父母夜則就寢所語語無恙乃即安或疾則
累晝夜目不交睫致政時母張老矣日依依侍食於

則平生篤志聖人真猶嚴對之於飲食其學主于立
本研幾由慎獨以通於性而稽古以協于明誠始博
而終約者有大學指歸六書精蘊卒謚恭簡

獻徵錄 卷之七十

十六

太常寺少卿高遜志傳

高遜一作志字士敏直隸蕭縣人元末僑寓嘉興好學嗜文嘗侍父宦遊吳中一時文章家如宜城貢師泰都陽周伯琦途日鄭之佑俱客遊吳遜志皆獲受業故其為文深醇雅則成一家言年二十五為鄒山書院山長洪武二年徵修元史入翰林為編修累遷侍講學士革朝庚辰會試禮部尚書陳迪侍中黃觀知貢舉遜志以太常寺右少卿與重倫為考試官得吉水王良常熟黃鉞莆田陳繼之廬陵胡廣崇仁吳溥建安楊子榮新淦金初孜石首楊溥武進胡濙太康徵錄

卷之七十

十八

康頤佐時稱得人同教藝者有拾遺朱逢吉編修史官吳勸業惠仲趙友士徐旭一作張秉彛監試御史王度俞士吉亦一時之選壬午之變王度葉惠仲死難餘命顯庸遜志存沒無可攷見殆跡終身挺節不汙於時耶

太常寺少卿廖昇

忠節錄

廖昇湖廣襄陽人未詳其所以進學行最知名與方孝孺王紳輩友善洪武二十九年由左軍都督府斷事擢太常寺少卿建文初修高皇寶錄昇與為纂修官昇博雅有才朗達負氣增難兵渡江忠誠伯等自龍潭敗還昇聞之遂勸哭與家人訣自經死都御史陳瑛奏昇與黃觀王叔英唐是修王良顏伯瑄等皆不順天命故死建文此其存心與叛逆等並宜追戮以儆奸朋詔勿問

獻徵錄

卷之七十

十九

太常寺少卿盧原質

忠節錄

盧原質字希魯浙江寧海人母方氏孝孺之姑也原質於孝孺爲外兄而問學得之方門爲多洪武戊辰舉進士第二人授翰林編修歷太常寺少卿建文中多所建明靖難後召見不屈死之弟原朴論死族其家

獻徵錄

卷之七十

二十

太常寺少卿進階亞中大夫陳公贊墓志銘

太常寺少卿陳公致政之七年以疾卒于家其子通政司右通政嘉猷奔喪有期乃以編修鄭君之狀來請銘公姓陳諱贊字惟成別號蒙軒世爲餘姚人宋咸淳中有兄弟同舉進士者曰應庚曰龍榮應庚即公六世祖也曾祖俊民元上虞縣學教諭祖達道隱居不仕父性善仕國朝官至刑部吏曹郎中母馬氏繼卓氏公幼穎悟不凡稍長從鄉先生宋公傳張天民學博極經史期以策名科第作懷二都賦以見志已而再試有司不侔輟棄去用杭州府知府盧玉潤薦爲儒學訓導嚴立條約敎迪有方門弟子出爲顯官者十餘人浙江左布政使黃澤雅重公文行金石制作必以屬公宜德乙卯纂修宜廟實錄天下郡國當會萃事蹟以上而兩浙十一郡之事公實總之時稱有史才明年滿考起京簡任翰林待詔授中使書于內館諸生薰其教化成才者衆秩滿陞典籍尋遷五經博士未踰年以學士高公穀薦陞廣東布政司左叅議時廣寇黃蕭養之亂甬平公撫摩凋瘵極盡仁恤訪覈嬰幼穉之被掠賣者以還其家瘞死遺骸親爲文祭之以憫其不幸聞者感悅其他善政宜

獻徵錄

卷之七十

三十一

民者樂類此廣民至今思之不忘景泰癸酉遷太常少卿以儒相祀輿論稱愜天順丁丑疏乞致仕不許尋蒙 賜諡進中憲大夫有清慎端重之褒贈父如其官二母皆恭人越三年再請始得休致時年六十有八矣適其子嘉猷有雙清刺加國之命因便道奉公至杭以別墅在西湖之側遂留家焉先是浙中名卿大夫致仕家居者六七公南京吏部尚書魏公驥其一也聞公歸皆來會喜相謂曰歸老之榮皆 上賜也乃約月一集爲恩榮會會必賦詩爲樂蓋不減洛下風致云公每遇良辰輒偕從弟致仕知縣質及獻徵錄 卷之七十 三

縣人墨士遊玩于湖山間其別墅中亭堂以十數皆勝處可樂也客至必命酒投壺徜徉竟日鄉人羨慕之目爲神仙中人天順甲申 詔進階亞中大夫成化丙戌三月三日即世距其生洪武壬申閏十二月六日春秋七十有五臨終神思清明謂次子嘉瑞曰吾家受 國恩三世矣其語爾兄勉力以圖報稱語不及他公性資疑重心地坦夷平居寡言笑而和厚之氣藹然可掬早喪父家雖約而能竭力襄大事以禮事繼母能盡其孝處諸從兄弟極友愛教育從子無異已子居官三十餘年恒以動慎自勵所至著聲

和平生工詩文古選通陶柳近體騷賦乎盛唐諸法頗得晉人筆意所著有自娛藁客臺藁藏垣藁標安錄歸田藁凡若干卷藏于家其和陶詩唐音及西湖百詠梓行于世

獻徵錄 卷之七十

三